



思玄集卷之十四

七言律詩

詠雪和東坡韻

隨風颯颯更纖纖
欺勒陽和太緊嚴
驚看天花融作水
誰將地溷煮成塩
羈窮高卧曾陪榻
綽約相招暗入簷
三白已為民物喜
苦寒深恨天勾尖

韓昌黎詩不能活
勾尖

密密踈踈巨復纖
乾坤無處不森嚴
地形欲画先塗粉
元氣將調喜得鹽
作勢定期埋疊嶂
成功偏覺潤窮簷
也知六出為祥瑞
莫待東風破一尖

春雪再用前韻

朝來飛雪正纖纖春日春寒覺更嚴
梨已吐花重傳粉梅纔結子早和鹽
月通餘彩明穿戶風捲疎團暗墜簷
忍凍閒看庭外竹化爲玉節恠梢尖

舒城八景五首
兵部尚書秦崇化作

石牛牧笛

五丁遺物卧高岡牧笛時聞弄夕陽
壯士射來非似虎仙人鞭起不成羊
堪憐甯戚歌聲苦誰識桓伊興味長
落盡梅花春自老空山夜雨石田荒

峯巒環翠

伐木誅茅成隱居青山四面作藩籬
秋霜不以松篁色

春氣如增巖壑姿靈運平生奇鴈蕩

謝靈運守永嘉伐木開道以遊鴈蕩

今鴈蕩山右軍到死憶峨眉
王右軍嘗以不得遊致

君堯舜男兒事堪咲山靈有勒移

丘木連陰

五處高丘幾葉墳百年喬木似雲屯
根株一本存先德枝葉千章蔭後昆
雨露沾濡天有意峰巒環抱石無言
賢孫已任調元責和氣潛薰朽骨温

豐碑蟠龍

一道龍光八尺碑山中草木長容姿
細看此日重華語不數當年有道辭
好雨欲湔時點點飛雲相感

故遲遲親恩盡藉

君恩報移得封章獻

玉墀

此移字乃移孝為忠之移言君以封誥榮親故已移封章以為報也

玄溪春浪

小溪環繞碧流清
活水能收眾妙名
老子玄之又玄眾妙之門
暖浸桃花如濯錦
時搖星影似翻枰
放歌自得園中趣
把釣應添物外情
整頓蒼生無一事
歸來閒赴白鷗盟

對月

思家幾度看明月
老淚千行濕石衣
節物傷心南浦草
盤餐入夢故山薇
江湖粗了吾應老
東坡詩正湖粗了我何歸
道路

以下送三首

非送也全日本只五首

俱難客倦歸惟有光真達孝遍為遊子照庭階

楊村夜泊 此地多盜

人家落落樹蕭條
更鼓遲遲夜寂寥
鳴柝吾隨青雀舫

探丸愁避綠林豪

赤眉賊置五色丸於甕中如探得青丸劫東方白丸劫西方出漢書

月

明鴈影低沉浦風定
鴉聲不出巢獨倚蓬窗清不寐
殘燈自剔看離騷

聽秋雨有感

入夜雲陰雨脚垂
勺勺龕點縉輕絲
凄清似訴靈均怨
哽咽疑含老杜詩
思慮正當初起候
孫子云思慮未起鬼神莫知
聰
明未到盡忘時
莊子云顏子聰明盡忘
悠悠今古成遐想
門掩殘

燈漏正遲按此詩言不能如仰子之思慮未起顏子之聰明盡忘所以有感於秋也默具一感字於其中立意遠且深矣

贈張山人

十里青山擁華門松杉竽籟不時聞高居喜效烏鵲輩
簡出愁穿虎豹群田父携壺常對飲鄰僧乞米許平分
半生受用惟清氣一枕煙霞兩袂雲

登快閣和山谷韻

涪翁快閣我重登月上澄波報晚晴吟罷詩凌倒景
醒來殘酒散空明江湖渺渺孤舟遠天地茫茫一劍橫
兩腋清風歸舊隱箕山泉石許誰盟

七夕飲石田母姨夫宅

析木津邊建兩旗華堂開宴趁佳期人門親舊追歡夕
天上婚姻適意時乞巧不如常守拙相與取苦即分離
銀河清淺如前否靈鵲回來報我知

和石田病中韻

病鄉岑寂異溫柔晞髮臨風雪滿頭繁星麗天光入枕
獨鴈排雲聲墮樓題詩閒閣杜陵夜子美有作賦還悲閣夜寺
宋玉秋斲破陰陽消息理動時非關靜非休

與殿元錢與謙會飲於雲間禪寺

繞廊松竹借披襟靈籟蕭蕭共賞音解跣九園安用足

與謙贈予詩有足踴九園還能包萬象在虛心移來兜
有地名逃萬劫別成天之句
率香初爇引入華胥酒謾斟坐久不知天又暝九峰明
月照禪林

夜坐

炎威初斂日將斜雲氣嵐光混一家萬象朦朧迎月色
二儀清肅待霜華山林間積補天石溪澗難乘浮海槎
坐對殘燈魂欲斷城頭更盡鼓頻撾

同左行人廷弼登南昌金繩塔

佛家梯磴真重重接引此身凌太空眼光晴射匡廬雪
毛孔清吹彭蠡風升嶽長謠平望裏登樓高作俯臨中

倚闌漸覺蒼天近慙愧無由補寸功

宿南昌守張廷璧衙

銀燭光搖寶篆浮小童如玉薄能謳千年八限以著榻
一夕風生庾亮樓敢以虛名干

聖主深慙傳食通諸侯春光到處成和氣莫把天遊比
勝遊

落齒

乾坤忽幻吾形容此齒本生烏有中合處偶然成混沌
脫時依舊化虛空夙稟羞慙類顏子早衰隱約同韓公
也知道義無肌骨咀嚼至味其長終

雪

滕神欲索老夫詩臘雪今年落故渥光
圓射天雲似白色深迷海水疑緇續
紛暗畫梁園賦淅瀝猶聲郢國詞
圓璧方珪驚滿眼誰如稱物解平施

謁劉龍洲墓

崑山令楊名父脩

牢落江湖剩此身偏安世界寄清樽
忠言豈意告門遠高誼能消相府尊
春雨蒼虬乘俠氣秋霜孤鶴吊詩魂
賢侯特起高山念仁政潛薰朽骨温

落花

花好能禁幾日開東皇應乏補春才
紛紛惟我耽詩句

點點催人進酒盃殘片有情接綠葉
香魂無倚汨蒼苔十分顏色歸塵土
處處名園是馬嵬

書事

忽聞

朝報下鑾坡對酒臨風發浩歌堪象

神功為大武敢將

聖德比元和江湖一夜濤聲息山嶽
千年喜氣多蟣虱小臣心萬里癡將
周禮暗編摩

遊孺子亭和白沙陳公甫先生韻

炎德將衰萬國寒諸奸塞路氣桓桓
避秦無地堪移宅

過越何人愛整冠
顛處不持繩共挽
孺子云大夏將磨
傾非一繩可維
時却與鏡相看
本傳孺子以磨鏡爲業
清風朗月延賓館
音日高懸是肺肝

十里湖波蔭草堂
先生骨朽跡難亡
不逢堯舜爲真主
却與夷齊添耿光
照榻一輪明月在
清綿千古濁醪香
乾坤端正吾儒事
出處臨岐審變常

贈蕭時清

十里螺湖如掌平
開門正挹滄浪清
偶道旦七僧子訣
開課山童抄酒經
晝長燕子飛入戶
春晝樹陰鋪滿庭
近來聞說有奇事
賣藥脩琴曾到城

碧溪寄白崖弟

五兩蓑衣百尺竿
碧溪十里足盤桓
卧个芳草爲衾枕
坐愛清流照肺肝
花落無聲雲影動
鳥飛不度鏡光寒
平隄多種芙蓉樹
惟有秋容耐晚看

題鳳洲草堂效吳體

江水四面圍高丘
草堂結在丘上頭
頻經春雨打不漏
苦耐秋風吹未休
枕邊驚聞櫓聲過
檻外俯看雲影浮
我約吳郎來借住
併吞沙草占溪鷗

苦熱效西崑體

輕葛難披汗注身
繞空炎氣正氤氳
狂思葱嶺踏晴雪

出域葱嶺渴想建溪煎曉雲赫日爍焦青嶂色頽霞粧
雪常不消麗碧天文幽情只愛清涼處未信山王勝五君

遣興効香山體

世路無窮恣往還大都只在利名間炎涼逐逐催人老
日月匆匆屬我閒幾處高僧來對奕連朝佳客約看山
半生儘戀虛榮貴金紫難醫兩鬢斑

春日郊行効楊誠齋

春光滿滿貯溪南謁柳巡花恣破廉妙舞文事木業請
玉川子有蝶請客詩清聲為贊野鶯叅酒能痛飲閒情縱詩易成
篇拙思潛遊賞未窮斜日下封詞東海召銀蟾

西昌閒步

雙足能行勝小車先夫在洛西昌城裏畫吾家鄰僧相
出乘小車約嘗新茗園叟時邀看好花文變何須論片豹書在常
恐化龍蛇晚來占斷長天景閒倚西風送落霞

玉女峯

在鴈蕩山予遊鴈蕩因詠之

真鴈成群過海陬彭郎無計到東甌黑雲擾擾常梳髮
白露團團暗洗頭杜子美詩柱到土女洗頭盆黃帶閒拖聊卒歲草
衣寬著怕逢秋雙鸞棲息無多遠雙鴈峰在玉女峰之傍石作心
腸也自愁

予拜座主閣老彭先生歸至吉安得會其兄彥

思文集 卷十四
充春官同夜飲驛舟中有作

城樓更盡鼓聲聲
簾底燈花落細紅
把酒今宵同李白
焚香前日拜南豐
天空海濶孤舟月
古往今來一笛風
踪跡明朝何處覓
雲霄萬里沒征鴻

同內翰張廷祥宴巨濟陳國賓宅和廷祥韻

化工何事幻吾身
管領人間萬物春
啼鳥似傳史炳曲

史炳古之名花疑寫雪兒真吟懷隨月照千古醉眼看

善歌者天無四鄰不是主家陰
洞裏少陵那得往
不煩

漳江月夜行舟自歌自飲援筆寫興

山高水濶夜凄清
遠鼓聲聲轉二更
斗下持杯傾沆瀣

月中擊楫泝空明
歌衝絕壑生靈籟
唾落澄江動列星
回首天河猶只尺
欲裁書札寄君平

寄丁鳳儀秋官

苦吟風月滿曹司
敲朴聲中得句遲
雅志每懷高蹈日
長才難展下流時
宦情更比嵇康薄
心事惟餘鮑叔知
白日如年書不到
碧天明月費相思

山行寄陳推士

早秋天氣試涼初
十里青山度笏輿
澗畔松聲聞古樂
林中鳥跡見真書
前程拋擲榮枯外
往事思量夢覺餘
寄語陳蕃休下榻
好同天姥結幽居

閱卷

沽酒牽羊咲老坡東坡知貢舉知李薦而不能化工隨
眼易模糊恠鱗最好登龍藉奇骨何浪按驥圖野市集
來商旅亂丹丘仍得羽人孤少年困頓投羅網慙愧青
冥萬里途

揭榜

混沌場中數日行一爐丹火始分明又將老眼看兒戲
誰以虛舟閱世情滄海波寬嫌月小高山肯重覺雲輕
諸君莫作榮身計擔負蒼生第一程

吊禰正平

經過此地倍堪傷憶子青年飼虎狼四海難交身一葉
三江都化淚千行能言賈禰真鸚鵡覽德冥飛愧鳳凰
今古憐才惟造化芳洲留寫舊文章

蕭汝奇郎中宅賞花

蕭郎宅裏最繁華南北奇芳產一家虞美人栽吳地草
魯南豐作虞美人草長詩戎王子放蜀川花杜詩萬里戎王子何年
別有支朱文公語錄云出於扶持生意朱欄繞點綴韶光翠幄斜對景不須吟
藻句眼前種種是天葩

梅花五首

數朶梅開玩易軒探梅妙理實幽玄
接連坤下一黑畫

露出陽迴幾白圈諸發相傳原不識諸發以梅一枝靈
均至契在忘言楚詞不也知難入羣芳眼默許東皇選
作元

今日乾坤便不同梅花數朵嶺雲根群陰送節迴和氣
諸色粧春後素容嚴瀨清高孤立處首陽酸苦半開中
一年準看三千樹騎鶴還乘萬里風

冰雪叢中度歲華清幽偏住野人家神遊玉宇形全瘦
梢指銀河影故斜冬府難藏惟此物

春官所屬似無花玉皇久缺香姬選禮李安能入紫霞
一春清福想難消日對梅花看楚騷小佇有香聞來畫

澹粧無語伴清宵因悲世俗思輕舉獨蛻塵緣以太高
欲吊幽魂何處是湘江雲冷路迢迢
脉脉盈盈破寂寥水邊林下見孤標嫦娥白作栽桂
王母成丹只愛桃欲供晴天除霧幕間陪殘照怯冰綃
翠禽可解傳消息詩在西湖第幾橋

折梅

雪壓園林玉萬枝折來方表是真梅殺身慷慨因知己
入手分明不用媒風護精神朝澹蕩月通消息夜徘徊
逋山縮入青瓶裏獨看移時喚鶴陪

落梅

正愜疎花照眼明，
可堪弱質易凋零。
東風又一作場惡，
小圃能擔幾許清。
德似顏淵猶短命，
貌如姑射不長生。
若教留待五月落，
愛煞樓中玉笛聲。

普安州驛中寫懷

碌碌科名二十年，
宦途消盡是朱顏。
思量往事真成夢，
堪嘆浮生未得閒。
月色隨人來遠道，
雨聲催馬度重山。
何時散髮長林下，
咲看雲霄倦鳥還。

雲南守陳季同邀遊圓通寺

寶刹叨陪皂蓋遊，
分明城市有林丘。
勝遺龍洞千年跡，
興入螺峰數里秋。
靜坐鋪庭看葉落，
醉歸擁戶被雲留。

欲知地主情深淺，
萬頃滇池浸碧流。

同劉同府遊滇池

池上有碧鷄今馬山

萬頃清漣照碧岑，
扁舟一葉水雲深。
山靈應咲王褒祀，
海若堪憐漢武心。
武帝鑿昆明池以象滇池
八極神遊乘野馬，
半空仙藥奏鳴禽。
劉郎今共僧房宿，
莫向玄都觀裏尋。

簡汪仁夫綉衣

十詔通聞柱史風，
歌謠載道盡兒童。
落花芳草仁恩裏，
碧海丹山雅量中。
千里威名關氣運，
百年公論出愚蒙。
苗民暗欲鐫功德，
留我揮毫太華峰。

遊太華寺

古寺峨峨太華顛樓居占斷好林泉白雲萬頃鋪成地
綠浪半空搖動天金鐸語風清鶴夢寶香歸河帶龍涎
臨流欲盡滇池興剗藕堪爲白玉船

謁賈太傅廟

細看政事數行書惜誓哀湘總緒餘經濟也知輕管仲
詞章何止駕相如清泉映月留遺井高廟凌雲得故居
我有朱絃千古調臨風欲鼓更躊躇

謁褚遂良廟

遂良相高宗諫立七
加幾被殺
謁

中有雲起之異後
人遂即其池立廟

捐軀愁脫北鷄晨濯筆方池對夕曛行內玉先潤澤

褚遂良書評云字
裏金生行間玉潤

止水當年黑白分一語喪邦憐李勣丘山功業化秋蚊

催科有感

荒地征租實可憐眼前赤子半顛連于公欲急天下賦

韓文某州之賦
天下之賦也

元子肯爲時世賢

元次山詩安能絕
人命以作時世賢盡

說催科無善政自其罷軟放歸田挑燈夜與妻帑說慙
愧全家使俸錢

攝守茶陵州

全楚凋殘獨此州雨餘長夏冷如秋鞭笞黎庶心俱痛
撫輯逃亡淚暗流無役溪邊鷗泛泛不飢郊外鹿呦呦

思齋集 卷一四
一三
雲陽鄧昇仙蹤在何日登臨散四愁

勘災湘鄉

前驅兩兩入煙霞父老相迎鼓吹譁
磬確無田非重稅
逃亡有屋盡吾家
傷心細雨蕭蕭寺浪跡西風泛泛槎
聞說龍潭猶只尺大瓢且注滄春芽

軍山道中和王少叅元勳韻

肩輿軋軋步凌兢十里軍山路百層
隔澗松聲晉過客
度溪雲影伴歸僧
瀟湘映帶心堪洗衡古
乘一枕煙霞塵土外細思今古幾人曾

白沙鋪用前韻

力疾衝寒覺戰兢平坡蔓草路層層
狂風似約波頭客
細雨忽來江上僧
赤壁洞簫千古弄稽山
高棹幾時乘
誰云薄宦非真隱
紫禁煙花入夢曾

至澧州

蔓草平鋪苦竹岡乘輿靡靡到蘭江
雖云蠻獠為鄰境
漫喜科名萃此邦
入夜吹山風滿座
當年照郢月臨窓
何時可化靈均怨
閒把騷經近酒缸

荊州懷古簡荆守段侯以中

楚業興亡取次求離騷一卷接春秋
入秦自分難成國
懷王入秦不聘魯
誰期只舉州
春秋書荆人來
牧唱暗

將歌舞換農畊似勸戰爭休
巴江雲夢春風裏坐鎮寧
論上下流

同段侯以中登仲宣樓

有吹笛者倚酒

城上高樓帶夕暉晚風長笛倚闌吹
題詩共覓先賢跡
滴酒聊湔季世悲安土無方惟曠達
全身有道是支離
廣達則不思鄉能如莊子所云支離其才則不以才自見而依劉也
昭丘陶牧雲來往

陶牧答樓賦中
景物如供作賦時

重到茶陵

九折星沙脉盡傷此州民病已膏肓
無桑次了今秋統
有稻難輸積歲糧
囹圄喧囂多罪辟
村墟寂寂半逃亡

何時得返敦龐俗滿地崇陰化日長

宿茶陵五峰庵

攀蘿躡磴路盤紆出澗流泉百折餘
地成羽田交伊供
天留松徑作僧居
數聲清磬紅塵隔
一瓣名香黑業除
喜共山雲分半榻
通宵魂夢寄空虚

遊茶陵獅子口洲

幾夕煙霞入夢中
侵晨閒過小橋東
好山重疊無人管
積水周遭有路通
耀目珠璣團草露
清心筍籟奏松風
偷閒對景拚沉醉
歸路腥塵十丈紅

和韓貫道都憲韻贈別憲長林公

木落潭空已喪吾朱文公冬讀書詩木落水盡舊緣未
了剩真迂補天功業非烏有經世文章不論無今古悠
悠誰是主乾坤落落我非夫分遠遙贈湘江水千仞岡
頭洗湛盧

中秋茶陵州守衛侯邀賞月

百年有限中秋節風雨憂愁幾愴神尊酒偶同今夜月
笙歌偏感異鄉人桂花香裏眠吳質李長吉詩吳質不眠倚桂樹藥
杵聲中卧吉鄰吉鄰月中仙見萬花錦綉谷明歲平八大一井清光
縱有各隨身

和王少叅元宵無燈

何事天公不放燈冷風酸雨苦相乘愁吟難星辰下

善作文章者能引星辰而上决江海而下引星辰不下是無天燈也晴相誰能火氣相

火氣上騰大貴言無人燈也雙闕無緣瞻瑞鳳三山約借飛騰晦

翁細品今宵景好是山房入定僧朱文公詩何處元宵

秋懷

征鴈南翔落木初江湖憂髮共蕭疎心隨宣聖聽歌鳳

夢斷周文用集鳥鄒陽獄中上書云周用集鳥而王應

有如鳥鳥之暴集瘦嶺雲深天似窄清潭潦盡地應枯古人佳

了經綸事柳宗元詩試問經綸心古人誰盡了蜀道分明接宦途

予既調柳憲長林君待用以書來云柳州山林

思文集 卷十一 十六
子厚為之出色今付公矣作詩荅之

三載星沙作宦遊每逢山鳥話綢繆
鷓鴣知我行不得
杜宇勸人歸去休泛月詩成湘水夜看雲興入大瀉秋
安心此日無言語肯與宗元競柳州

登祝融峰

松桂成行引從騶擎天一柱鎮炎州
仰觀熒惑疑薰眼
俯視離明不盡頭醉約紫鸞同滅影
咲呼朱鳥欲驚秋
杜韓仙去朱張遠千古何人繼勝遊

觀雷壇在祁陽

玲瓏石屋向西通外護神雷布九宮
一竅與行行

半間和地化虛空煎茶清吸靈潭水
振袂涼吹祀風
勝景匆匆觀不盡謾留踪跡白雲中

題八仙圖壽計鈍庵有引

鈍庵計老先生文行俱古由第起家得
令楚之桃源功德洽於人心古之王喬輩
也壽其可言耶弘治十有一年壽濟六旬
旬一三月七日乃華誕之辰予與令嗣秋
元宗道最善此圖以祝難老云題

無窮門裏住生身花甲從頭又轉新
謝政已名閒處士
弄丸今作謫仙人六旬雖過那能老
三月明當却剩春
喜有賢郎

天上去笑臨南極揖星辰

兵書峽 在末州

千古流傳一篋書蒼崖高置意何如誰云造化封緘密
自是神仙狡獪餘屈子後塵韓衆躡昌黎前路祝融驅
此身舊是釣天客勝跡閒觀憶太虛

登柳州城

城上陰雲向晚開登臨懷古興悠哉鵝山轟轟劉蕡節
潯水滔滔子厚才一代高名人共仰千年遺跡我重來
明春得遂歸田約日抱遺經卧草萊

同把總指揮苗廷珎撫夷至鵝頭益宿衛人頭
目常萬苗寨即事贈廷珎二首

章甫真投換戰袍叅隨熟獯與生徭村墟有室都藏甲
道路無人不佩刀枯寨忽逢甘雨降重山似覺陣雲高
將軍號令軍門肅更鼓聲遲夜寂寥
伏劔叨陪閩外遊隨行健卒勝貔貅一方險隘名鵝頭
萬里封侯屬虎頭坐困羗夷非戰伐來威荆楚在謀猶
徙薪曲突成何事幸免空山獠鬪體

同柳州守柳廷文練民歛 西廣呼民兵為歛

朱盔皂甲盡貔貅呼噪潯江水倒流自古農夫皆戰卒
于今太守即諸侯兩行旌旆依山替千騎弓刀擁道周
老倅幾番陪簡閱醉歸挑燭看吳鉤

歸計已成述懷三首

年幾五十髮成絲
物理人情覺悟遲
處事求名先得謗
謀身弄巧便成癡
豪吟氣象清平世
沉醉情懷太古時
長咲一聲歸舊隱
空山魑魅最相知

驚人長劍與危冠
千仞岡頭眼界寬
勘破浮榮俱是幻
從來至貴亦非官
虞山舊占雲千頃
震澤新收月一灣
指日小窓燈火下
老親兒女話團圓

回頭老景已侵尋
世味嘗來感慨深
李公結成宜苦口
松園長大要虛心
敦彝効用皆新鑄
琴瑟隨時繼古音
早晚歸山牢閉戶
羲經一卷度光陰

除夕感懷

妻孥守歲共殘燈
曲几無言默默憑
年苒情懷知力客
苦空世界只如僧
壽親欲比千年鶴
教子期為萬里鵬
濁酒一壺聊自遣
前非舊事付曹騰

聞天災寓長沙

倘來禍福豈無因
今古誰能問大鈞
奇獸何緣鳴在子
汲冢周書有獸鳴曰在子
恠禽底事喚甘人
唐五行志有鳥喚曰甘人
漢年紀瑞
非高識魯史書災
實至仁蟻蠹小臣心
萬里臨風涕淚
欲沾巾

又寓梧州

天意將迴未有涯山林枯坐憶京華誰如木石不憂世
爭似鳶魚無定家救渴先時思掘井恐飢此日欲蒸沙
乾網獨運春風裏天際星流變落花

秋雨初過即景寫興

涼雨初過白苧輕夕陽踈影漏中庭四愁自比張半子
漢張衡字平子作四愁詩六咲煤憐范茂明宋范浚字茂明作六咲詞叢竹喧囂
風未定亂蟬暗啞月初生挑燈謾把離騷讀一念靈脩
萬古情

謁文山先生廟

衣帶留題誓始終小樓數載履虛空文山居此小樓足不履地

者歎誰云到死方無悔文山自贊吾云今要識持危不

是窮史云天祥志廣異物化生真幻語吉忠誌云文山

元神出現亦精忠文山常自見堂堂祠宇崇柴寸身室

全收養士功

春日書懷

九十韶華已半空舞雩歌詠謾從容及時灑滷宣尼雨
盡日薰蒸伯子風暴熟工夫非次第苦寒查滓未消融
誰能悟得調元意四季春光與物同

郴州道中

未衡相望路西東又踏昌黎過去蹤荒澤題詩存旅鴈

寒潭滴酒喧潛龍遠遊自可同
韓眾前導何須用祝融
欲擇名山藏著述洞門深鎖白雲封

登南薰樓

長夏倚樓無限好殷勤南陸薦涼颼
天星欲近非無意

古詠樓詩云手可摘星辰又星好風山雨將來自
有期殿閣稍離分苦樂

古詩一為居所未相忘簾櫳間入混雌雄
宋王人風賦有乾坤

萬物潛孚長俯視渾疑太古時

夏日酷暑有感

汗珠垂垂拋葛裳大火燒空薪四方
相加病裏煎成渴

老杜窮餘煉出狂寒天冰雪信初接
大暑乃人炎海塵

埃深莫量喬松近日自薰炙十畝清
陰能施涼末臣近

君身勞則天下俟

詠佛桑花

南無麗卉聞猩紅淨土門傳到此中
欲供如來嫌色重

佛經以色相見謂藏宜聖訝株同
子曰賜也安知不葉

深似有慈雲擁藥圻偏禁慧日烘賞
玩何妨三宿戀四

二章云桑下一宿慎勿再只愁燒破
大虚空東坡詩紅

佛桑

寓梧州府冰井寺日义人呼為有髮
僧者作詩

一咲

野寺盤桓當住持平生罷煥即慈悲誰云寂滅真堪樂
自識貪嗔實是癡立見明星那有悟釋迦見明坐依間
壁豈無為達磨九年面壁山僧不用留衣別幸免人呼兩退之

詠破佛殿

虛空兀立類靈光闕盡門廊歲月長瓦破如來還有漏
壁頽羅漢似無常野鳩得度巢空柱乳燕談玄占畫梁
大地山河俱是幻何消笠下一爐香

題水部郎中傳曰川南樓之名

文江赴海背簷流地僻渾如海外州樹影小童堪入句
山容染夏不須秋周禮秋染夏註云夏顏色也天池直溯訶源到月

幾全憑意匠脩寸木隨人成不朽滕王高閣亦何極古語

何樓虛頭也

聖世胡元氣正偏此樓興廢可編年樓廢於元末王簷

前丘壑能規地窓外雲霞似繡天龍骨間吟遠勝覽龍骨

皇家水車之名見楊子雲峇劉飲書螭頭常侍憶高眠星辰手摘何須論

平步三台第一纏

右和西涯李閣老韻低字寫前

虛窓納月勝璇題渡海常看獨鶴西四望盡通心共遠
一層再上眼同躋高懸絳帳春生席卑引青衿禮作梯
兄弟廟堂今接武舊時結構華山齋

存和匏庵吳閣老韻

依一子寫前例

詠老人燈之方

鶴髮聶肩儼壽星兒童扶立耀門庭存如掣電何須計

佛經如露亦如電

生已垂光不足驚

韓文生而不遇後垂光者衆矣

虛火上

衝心即爍酸風斜拂眼還明繁華閱盡俱螢燭自許焚身入化城

假合分明兩鬢秋

■

那衫袖帶膏油衰顏自分隨灰滅

急景何妨秉燭遊得火常時能煖腹避燠終夜只搖頭却疑南極星辰現一點光鏹落海陬

新正試筆

日月光中自在身乾坤舉眼是經綸良時只與寺差午正歲常隨夏用寅不改江山千古舊又看花柳一番新題詩贖與東皇約饒取胷中萬斛春

送郡侯曹鳴岐述職

豸冠高聳切玄穹坐鎮名邦似華嵩赤子有緣歸召父黃神何處避梁公豹文變化從深霧鵬翼扶搏正厚風循吏封侯今再見一方仁澤九垓同

過十二磯在梧州

亂石危磯急瀨聲扁舟泛泛水中萍月當秋夜十分白天到遐荒一樣青引路哨船鳴鼓吹前山軍堡出旗旌

回頭便有開懷處無數峰巒列翠屏

同王如齋揮使金宗秩上舍暮春郊行

單衣初試覺身輕雲淡風和雨乍晴墨淡小池科斗亂
簧調深院栗留鳴飛花逐馬疑招飲落絮依人似送行
餘景老來偏愛惜可堪白日去無情

草觀垌身踏軟沙解鞍同過野人家坐臨密樹勝張蓋
渴嗽清泉當啜茶富可薰天隨北里清堪避地憶南垞
舞零行樂渾相似况有新詩詠物華

登樓

西風吹帽雪籠頭今古無情獨倚樓日月悠悠長劍老

乾坤納納此身浮江南山水聞孤咲塞北煙塵結四愁
望斷北辰心萬里寒雲斜日楚天秋

同屈黃門引之徐進士等同宿六編脩克温宅

斗酒論心夜不眠金閨豪俊玉堂仙老耽自許無驕氣
老子曰去蘇子應推有道緣東坡詩憲似香山老居梅
影橫窓和我瘦燈花照壁為誰妍悠悠薄宦江湖去他
日相逢說二天

重傷

亡兒痛定聞邊報老淚臨風倍暗流但得有人扶社稷
何妨無子續箕裘眼前世界堪容足身後曾玄不斷頭

變故難窮觀欲了萬年常伴屈原游

袁州守顧鄉尊衙觀戲九韻

滿堂銀燭絳紗籠杳眇歌聲繞碧空是處神仙能駕鶴
誰家女婿忽乘龍三生悞入因緣裏千古均消戲劇中
斟酌深情通渤海思量高義壓崆峒明吞太白盃間月
清帶滕王閣上風浪跡也知隨泛梗豪吟何必感飛蓬
踈狂愧我非坡老寬厚惟君類次公他日同歸弄煙水
倚天長釣五湖東

宿平江侯祠懷恩道房九韻祠在天妃宮

此身終老白雲鄉暫宿懷恩羽士房七槍籠烟呈古貌

叢蕉滴雨奏清岡三通法界無聲鼓一瓣平心不盡香
物外尊壘忘醉醒園中鑪竈立圓方心門自覺紅塵遠
門掩方知白晝長列子剛風常坐御靈河正氣孰分嘗
咀山神去空遺寢蓬島仙歸有影堂還約吹笙王子晉
碧天明月共徜徉

奉陪康叅戎飲南樓話別聯句二首與詩惟中戊午歲入

詩句一
考另列

畫樓孤聳鎮邊陲系俯瞰江山勢絕巍一水帶纓清客

思計亂峰劍列振軍威有時乘月但長嘯系此日吟風

賦夢歸柳子厚有千里羗夷能控馭計始知國語不堪

思玄集 卷十四 十五

非桑

漠漠狼煙淨四陲計一樓登處獨巍巍詩篇遠法柱工

部桑參戎詩祖杜豪氣平吞漢武威游宦久勞華髮侵計成功

今喜錦衣歸明公自是能知止桑何較塵寰是與非計

戎稍與時不合竟辭歸尾句故云

思玄集卷之十四終

思玄集卷之十五

七言絕句附五言

登樓

人世功名不可期倚闌雙鬢拂秋颼細看空谷浮雲出

飛度宮墻總不知按此詩先生在京下第時作言功名

免有懷功名之意又細觀浮雲出於空谷岑寂之中飛度宮墻富貴之地若不之知者此可見雲之不戀於富貴也然則已之懷想功名果能脫灑如是雲耶

王道

王道窮居亦試行一堂和氣藹諸生旋添新水盆池裏
數尾遊魚自不驚按此即仁民愛物之意

欣欣白髮與黃童冬日陽和夏夜風獨有春光無管領
閒花自落鳥聲中

按此白髮黃童之所欣喜者冬日則日之溫夏夜則風之涼耳夫伯功之小易以悅人也若夫春光之不冷不暖鳥啼花落付之自然有孰管領之此則王道之大而非伯功之可及也

題鳥

滿秋長林樹有聲啞啞相傍訴私情吳王臺上斜陽裏
霸業能消幾度鳴

題脩竹美人圖

脩竹娟娟野水傍薄寒翠袖倚風長沉水亭畔
化作巫山一夜涼

按此美人宜貯金屋今在脩竹野水之傍翠袖倚風而長可謂失矣得時者如明皇之沉香亭其後蜀之蕭貴也則貴妃之寵幸何如其後蜀之蕭索却基於此此又言得時者或又失也巫山非言神女事以其在蜀故借以掩耳

讀會試錄

設席張筵客到時競將笙瑟鼓還吹好音颯颯能盈耳
作樂應知是后夔

題嬰兒圖

玉質盈盈水畔遊荷花荷葉不勝愁波紋搖蕩清如許
化作騰騰匹練浮

小遊仙詞二十首

謝元暉詩澄江爭女練又侯書虞延
初時頭上常如懸一匹練
有序

予攝茶陵州印塵務雜晝日汨沒其間不覺化為俗吏矣偷閑偶成遊仙詩二十首少遂天遊一餉之樂用以遣世慮而濯煩襟耳嗚呼死生有命予豈真好仙者哉不過如屈子之寄意遠遊者耳然不夙自闡風蓬島而來者能知是否味耶

扶桑殘月掛梢頭鶴背簫聲度弱流紫炁如雲光照地回仙曉過鳳麟洲

閒賭喬松一局棋偶然贏得綵霞歸製成五色朝元服謾下祥鸞入紫薇

胸藏星宿是天文晴坐光騰五岳雲侵曉清都揮彩筆欲書制誥賜茅君

日輪赫赫起東溟真火抽添養白庭湧谷蕭蕭萬竿竹

裁書少昊借秋聲

閒弄堯夫手上丸羲文與我本同圈飛書培約吹簪半同乞無何受一廬

陰陽無始亦無終萬古都消役役中獨立鴻濛看造物不知肌骨化春風

五色霞光當彩絨天孫攢織費神功瑤池點污蟠桃汁洗得銀河水半紅

靜泓界上一枝紅香透鈞天十里風莫恠花無塵土氣根株生長九霞中

鈞天紫炁結為城足踏雲霞當地行又向森羅臺外轉

下方聞得步虛聲

雲牋一幅是青霄寫盡蟾宮玉兔毫兩尾白龍來潤筆
銀河水淺不容舫

第一脩文是子淵卜商唯唯敢爭先誰傳玉詔宜長吉
天上才華黜鬼仙

仙童驚報筆生花萬丈長虹纈彩霞獨進詞頭三百卷
承恩常醉玉皇家

仙班濟濟侍宸官袖拂紅雲跨彩鸞咲約玉皇香案吏
禹餘宮裏借花看

鈞天寂寞帝悲傷下界文章日月光欲召昌黎歸侍從

持宣玉詔遣巫陽

彩霞公署玉樓前上界尊嚴紫府仙偏記詩仙開向

長庚謫後又庭堅

玉女班中有妙光體生微妙自然香紫蘭細擷歸何處
七寶闌干白玉房

雲浮碧落似輕塵散步閒過析木津莫神訝光生兩鳥
天行是處躡星辰

白雲爲被彩霞氈高枕常凌倒景眠却恹南燈常下照
不知日月麗中天

逢着希夷睡正濃言語不接意相通齁齁伏枕過三月

却咲醒人在夢中

浮鵠山深盡水仙
席紅似向火中眠
春閒置酒邀龍女
新截珊瑚造海船

夜坐

北林樹影亂扶疎
淡月籠雲有若無
百畝空庭人語靜
咲渠閒坐鼓龍胡

感事

聞說單于夜寇關
倚天長劔照青瓊
挑燈書盡幽懷賦
星宿光鉉入硯寒

題畫

浮雲出沒吞遙岑
小亭日日染秋陰
天人如玉不可見
松子自落空山深

題太乙真人蓮葉

蓮葉為舟計已疎
况遊汗漫歷江河
乾坤游氣堪為馬
此葉分明亦是多

山行

青山浮動暮嵐生
雲擁肩輿樹底行
天上有人間覩我
只疑神畫現仙靈

謁賈太傅祠

少年曾讀東坡論
自謂先生負漢家
今日飄零江海上

較文南詔過長沙

寄泰和令陳推士

推蓬忽喜見君詩
綠水清風颺釣絲
又遇黃茅枯竹嶺
回頭情似別君時

澧州道中

木落千山正寥廓
清香難覓楚人騷
萎黃一色迷原野
只恐幽蘭盡化茅

安化縣

章惇為相本奸凶
經畧湖南亦有功
安化却宜題大字
藉繁聊採薦春風

宋有天下
一百二十
三載毋山
之
謂列于
嶺
寧五年
遣中書戶
曹檢証
章惇措
置湖南
始置為
縣於
此不可謂
無功也特
為相為之
凶惡所掩
耳

宿安化山舖三首

風透窓櫺月掛幃
坐消殘燭淚沾衣
嶺猿啼斷黃昏後
正憶妻兒萬里歸

紅蕓鋪庭夜寂寥
風吹燈影盡吟袍
西山月落千山黑
動地時聞猛虎號

山色昏蒙月半沉
盲颺忽起振疎林
打窓陣陣驚秋夢
落葉明朝數尺深

謁李忠烈廟

進士尹
穀配享

行縣歸來日欲晡挑燈歡笑接妻孥遙思夫子當年事
貞烈應知絕代無

冠帶諸兒禮度中尹公處死更從容胡元盡得無人境
義士成群入太空

謁伍子胥廟

歌舞臺中鹿暗遊忠言空為獨夫謀越兵未必能忘國
飛壞吳城是蠲屨

題鴝鵒

性拙全為眾鳥強玲瓏巧舌許誰知小園昨夜春歸去
落盡殘紅怨子規按此言春自歸去不以子規之聲催
之也見鴝鵒之能

玩古鏡

雲霧微分月一彎昔人曾此照芳顏年深暗竊朱多少
秀出珠砂幾箇斑

題畫

長信宮遙緩步還闌干曲曲綵雲間恩花萬樹開如錦
天上春光更不閒

題蘇武牧羊圖

胡塵如霧晝冥冥早膳惟餘海上冰化得群羊俱屬漢
歲寒常逐節旄行

題許由棄瓢圖

一瓢聒耳爲心累，堪咲許由心有歎。思玄先生能棄我，
乾坤萬物同逍遙。

送客

異鄉多病一吟身，落日荒山別故人。莫向溪邊折楊柳，
寒風吹盡正逢春。

客懷

湖海生涯類轉蓬，美人一別更難逢。閒書心事憑歸鴈，
細數愁懷得候蟲。

閒居寫懷四首

水繞孤村有路通，蒼苔滿徑絕行蹤。灯風吹落堦前葉，

煮茗爐中火乍紅。

山林隨處好從容，風月都歸意思中。連日文房催制詩，
中書新授管城封。

小小茅堂枕竹溪，獨吟時候鳥爭啼。朝來忘換菖蒲水，
新得山童號拾遺。

華山頂上有高樓，覽勝須登樓上頭。開口蒼天聞咲語，
人間無物避雙眸。

出塞曲

昨夜胡兵下肅州，將軍談咲覓封侯。膚功換得白玉帶，
誰信腰圍萬斛髀。

過湖

岸草汀花帶薄寒水雲飛捲雨漫漫江湖風月憑誰管
欲借磻溪舊釣竿

大旱

火輪常貯綠陰間龍卧空潭盡日閒一日其霖遍寰宇
白雲無語自歸山

夢歸

瀼瀼花露滴中庭月掛林梢鼓二更夢裏還家心不穩
覺來一枕子規聲

題巖下花呈長沙守劉鳴遠

巖下花開不見天孤根絆石水相連石水相連繫纜柔條上
惱煞香紅落釣船

泛浙江

十幅蒲帆掛順風貪看山色恨匆匆煎茶試汲江心水
吳越平吞滿腹中

遊山之序

攀蘿遙入玉華宮小小樓臺紫翠中送盡市朝忙日月
只消暮鼓與晨鍾
山靈似恠帶塵容急雨相催下碧峰惟有鏡潭偏識我
獨儲清水寫心胸

皇零泉二首

靈泉七竅響琮琤分入陂塘似小成一派忙奔疑有志
計程指日到滄溟

山渠白石淨埃塵洗濯清泉幾百春盡出成湯心一片
本無舊染日加新

寓僧寺催科有感九首

兩窓明滅佛前燈趺坐真如有髮僧想我未來并去後
幾多緣業減還增

佛氏無生本寂寥山河豈直一牛毛不須苦辨非和
口離塵緣已自高

今古悠悠費剪裁詞章著述愧非才入教出倅長沙郡
想爲湘岳無麓來

荒年師旅苦難支季路才長肯自欺我亦有能君信否
暮春行樂却優爲

佐郡羞爲聚斂臣恐將榷楚向疲民他年定考催科拙
歸去猶全半點仁

朱墨平拖到日曛眼前牒訴轉紛紛量才宜擢山林用
千仞岡頭管白雲

四山閒雲不作霖墮地化爲粟與金邊輸了足州無事
真宰倘能同此心

藤間瘡痂發微寒
欹枕通宵轉側難
盡說催科無善政
殘人肢體保微官

野樹多年免作薪
託根古廟或通神
人情只畏難知處
官稅明拖實喪身

遊呂洞賓祠

遠從東海到蒼梧
我道回仙是故吾
手弄圓圈堪一咲
蚊蠅睫上洞庭湖

寓水井寺遣興

郡南數里有蘇山坡
老當年暫往還
此地山名宜屬我
漫亭曾寄一春閒

水井上建漫泉亭
梧守張侯允脩謂

山如畫無名
先生作此詩

非王介甫爭墩之意耶予惡之曰介甫謝公之
不爭長公之山特與造化比例耳聞石大咲

百花開到野薔薇
嶺外春光未盡歸
一陣斜風墻角起
蜻蜒吹得着天飛

鬱蒸如火雨來淫
擾擾蚊蠅得意時
亭上遊絲千百尺
悠揚不會網蟲兒

呈郡守克脩張公貳守有容謝君

蜂蝶尋春故故忙
侵晨飛過幾家牆
雲山深處松花落
猿鶴滿身金粉香

觀總府移梅呈都憲鄧公

梅花開落北山陲
移到庭前二月時
惟有幽人愛標格

時時來此鑒空枝

感事

下士卑微與上公升沉入類自相同郭郎鮑老休相咲
試問牽絲舊主翁

柳州大水

十日十夜雨不休龍城水欲女墻流東市撐船過西市
不知撞破幾烟樓

山還

佐郡無能兩鬢絲伊臯心事沒成虧還山空著幽懷賦
猶勝荆公罷相時

印溪春行默誦老杜江村尋花七絕句爲續其
遺響

印溪橋邊一樹花溪南大路抱村斜日日行人自來往
昨宵殘片委泥沙

置酒花間真綉筵蛺蝶對舞勝嬋娟清都無土栽紅紫
欲折高枝貢九天

何事先生也愛花一春造化發精華風飄萬片流隨水
似送東君歸到家

杜陵何事被花惱只欲告訴發顛狂思玄居士空諸色
報峇韶華一炷香

四時爲首是春光萬紫千紅孰主張我意唐堯原不死
仁心發育尚洋洋

青袍白馬少年人騎馬衝花惱煞春數朶未殘輕落地
遊絲網着不沾塵

札札天機織女家銀河濯錦盡雲霞舊袍衣被青霄上
眯目江村見野花

住鄒子驛

小岡前後浪滔天破驛臨流屋數間聽雨聽風三日夜
愁隨彭蠡共無邊

過彭蠡湖

逆浪迷天泛泛槎望中蘆葦即吾家近灘聽得篙聲響
絕勝笙歌送落花

沉香崖

石壁高懸海外香滿盂江水貢穹蒼欲分一瓣參虞舜
啣下應濱紫鳳凰

觀湘灘分流寄竹窓民奇民育民秀諸堂兄弟
海陽一水化湘灘南北分流各有期同派可憐成隔絕

三溟即有會同時

謁劉賢良廟

制策通篇忤貴臣危言出口已忘身當時得意真螢爝

星斗名懸下第人

玉融郊行二首

亂山蒼翠野人家
小雨絲絲潤杏花
誰似東君最公道
遠分春色到天涯

青山兩岸夾通津
流水桃花玉洞春
知是邊城難久住
天將佳景故留人

夜聞鶴寄白崖弟

憶離清都幾十年
舊乘仙驥散諸天
今宵聲聞遙相接
碧落清霄在枕邊

書行府壁示衆

平分政教孰恩讐
善是良民惡是因
形跡兩忘心似水
人道觸物亦虛舟

予將去柳軍民士夫之家不忍別乃刊予像以
畱以爲異日可配享柳子厚廟予又重柳人知
予二人也前桃源令計君從善且以詩見贈爲
和其韻云

衆君以木刻吾真
千百分明是化身
他日羅池還祀我
休言禍福解驚人

感興二首

霧露彌天體渾全
亦隨四角下方園
誰知造化工夫密

其五

日出照扶桑，弱流二萬里。誰知盆池中，一勺同名水。
古別離擬孟東野

其四

庭前緋桃樹，開花白如雪。疑是別君時，情緒花前說。

其五

傷心別君淚，霏霏滴中庭。一庭芭蕉葉，天晴雨聞聲。

江湘行舟雜詠四首

其六

照影清流中，鷗鷺各殊色。孰世惟渭流，不輕分黑白。

其七

江泛常陰雨，半空雲僞滋。太陽九霄上，皓皓原不知。

其八

長波只奔海，往來分順逆。治世庸純心，怨德兩無跡。

其九

漁網曬平陸，閃閃粘珠璣。太陽畧垂照，死鱗弄光輝。

思玄集卷之十五終

思玄集卷之十六

詩餘

鳳皇閣

客中秋夜
聽雨作

打芭蕉陣陣黃昏疎雨憧憧燈影照羈旅細思想古今
成敗有孰張主再四問天公不語壁蟲啾唧有甚情
懷欲訴不道吾愁是真箇清漏滴髮邊霜催成數縷更
惆悵邊塵萬里

千秋歲

刑部給事史君巽仲元宵華誕其配衛
國徐公女後二日生作圖名曰同壽予

填是詞
其上

節界元宵又經過兩日後先華誕天命華燈分照仙姿

達旦原侍玉皇香案又逢着吹簫舊伴青霄上鸞鳳和
鳴綵雲飛度零亂 寒水未泮正梅花南枝破玉露流
香汗賀客如雲瓊闕藥宮相半烏紗斜岸醉掩映寶釵
金釧任他海變桑田春色年年不換

滿江紅

歸家作

簾捲東風窓兒外又生芳草連數日悵望佳期越添煩
惱尋花問柳都擔閣杜鵑啼怨知多少見門前飛絮滾
成團春如掃 江山遠音信杳形已變心難老凝望處
又被遊絲相攪綽約脩眉誰善畫娟娟翠映巫山曉便
拚一世不相逢心寬了

蘇武慢四首

寓京師作

自嘆先生無心落鳧將謂人人同已闊步長趨放言高
論也沒來由如此浮梗棲身虛舟度世箇箇相逢歡喜
有知心說破交情一半後頭恠你 我只曉得楚額爲
憂解顏爲咲那去探他肚裡石上尋魚波中求鹿一切
置之不理今古悠悠是非衮衮青史徹頭徹尾醉摩挲
雙眼橫空太華只如螻蟻

湖海陳人塵容俗狀難入英豪群隊髮髮蕭疎腰圍清
瘦不是悲秋顛顛頰雪點青衫風吹烏帽自有酸寒氣味
被兒童咲這先生行動如癡如醉 休歆羨直入紗厨

輕嘗玉食此是蚊蠅富貴龍卧九淵鳳翔千仞豈在牢
籠之內買屋三間鑿池半畝好與虞山相對試長歌坐
石觀天拍手雲霞破碎

日月如梭乾坤似斗四面利名韉鎖逝者群群生之逐
逐誰識虛空爲我六欲排開七情勾斷到處天遊無阻
倚扶桑間看星辰盡是瑤臺玄圃君知不龍骨千金
虎頭萬里多少青春文武張毅趨承宜僚呵護更有雪
兒歌舞敗葉蕭蕭寒雲淡淡此是英雄結果休輕聽漏
水銅壺滴盡人間今古

至貴難消凡緣不斷一夕忽遭恩遣瓊闕長辭銀河直

下不記雲濤深淺白日匆匆紅塵袞袞回首清都路遠
嘆零金混入泥沙直待自家披選常記得金母朝參
玉皇錫宴年少親隨步輦子晉吹笙湘靈鼓瑟弄玉歌
候一轉萬象圍身三光繞筆特進詞頭千卷問誰能煉
取金丹我欲重歸蓬苑

念奴嬌

登仙奕山作
和東坡韻

龍城老倅覽宇宙了無奇物兩袞秋雲仙奕表好是丹
崖翠壁誰捲閒峰盡收疊嶂化作紅爐雪眼空一望中
州多少英傑慨想今古滔滔長生秘蘊幾人能發劉
項當年爭氣處數點流螢明滅五岳難尋三山何在搔

亂麒麟髮嘆何時得會群仙同嚼明月

又懷秋

髮毛蕭颯照青鏡霜華幾縷昨夜啼螢明告訴急景催
人老矣宋玉閒愁沈郎多病此際情何許古今如此靠
天天沒張主 自嘆經世心腸他生未了消盡龍城雨

蕩寐

君親何處是誰念孤臣獨子一卷離騷數篇感興替我
留言語寬懷且過臨風默默延佇

青玉案

秋夜感懷

殘燈照壁鳴飢鼠清漏滴三更鄉夢覺來愁萬縷冷冷

疎雨似共芭蕉語 無邊震澤誰為主舊占得白蘋秋

半渚可堪萬里常羈旅拂衣歸去持竿獨釣鷗鷺堪容
與

雨中花

秋夜閑坐明月滿空毛骨蕭瑟然有神遊八極之思作是詞

黃葉走堦聲簌簌商飈在窓前枯木正庭戶無人碧天
如洗清漏穿脩竹 欲把月華裁半幅倩織女紉成奇
服倘王母相招乘風飛去一醉瑤臺曲

六么令

告歸作

宦途風雨收釣偏宜早平平長江如席暗浪知多少別
有深嚴城府郡裡尋頭腦千機萬巧與他酬酢真箇先

生厭煩了 何況升沉榮辱明朝難料但長吟賦歸休
閒處皆蓬島呼酒自歌郢曲趁餘生未老翳萊眠倒遺
天忘我遊遍箕山纔一覺

虞美人

春曉憶
長沙作

細雨梨花春夢破
梁燕將愁訴薄陰小閣日曨曨寶篆
輕煙一縷裊東風
星沙舊占遊歌處媚景難留住王
孫芳草最多情萬里和煙隨我到邊城

新詞數首呈計邑侯

有引

高曠之懷辱宰劇邑殊違素心弱中錄近
作小詞數首奉呈左右公餘或可命僅
歌以侑觴少
清懷抱云耳

如夢令

過廢宇
有感

高閣平臨松島曲
榭低環荷沼侍女捲珠簾倦把落花
閒掃過了過了基地交還芳草
花院繁華可愛松徑清幽難賽金谷與平泉
依舊還人鋤菜無柰無柰目送飛鴻天外

又夜

燕

雲護深沉簾幕風度清冷絲竹行酒假嬋娟
盃手轉成金玉秉燭秉燭月過花梢偏速

瀨庭芳

秋雨通宵
有感而作

薄暮窓陰連朝礎潤黃昏雨滴空庭蕭騷浙瀝閒和壁

蟲鳴猛與池荷戰罷打蕉葉細覺淒清巡簷聽懷人萬
里點點是離情 又忘前事了忽勾來心上歷歷分明
黯殘燈欲滅鼓轉三更惟愜涼生枕簟和衣卧好夢難
成魂消候正隣雞三唱徹曉奏商聲

滿江紅

閑中
馬興

誰信先生歸故里數間茅屋且隨緣度世和光混俗日
照肚皮纔一覺起來喫椀酸齏粥有時社酒飲黃昏鄰
家宿 林間坐花成幄溪邊卧苔爲褥任形骸放浪無
拘無束身外升沉休計較吁嗟人事多翻覆怕途窮日
暮是駭人由他哭

西江月

詠
雪

神女行雲布野皓翁雕雪飛空茅庵化作水晶宮荒嶺
瑤臺高聳 欺酒力疑暗減宜茶味覺加濃如成真玉
墮江中堆作長庚仙塚

喜遷鶯

為梧州士大夫送邵侯
張克脩絲帳作有序

恭惟其宮閣下器宇深沉文章典雅稟乾
坤之間氣發山岳之藏機激起及時各既
登乎龍虎思鳴臨旦班遂造乎駝駕朝陳
憂國之辭夕捧監州之

命重雖居乎十詔心則繫乎

九身別駕喜得乎王祥乘麾幸來乎龔遂循吏
之傳惟五何慚班固之言居官之要有三
實獲成公之訓政聲洋溢絕無巷議之家
故法流通奚用街彈之室正鋪仁於全邵
又報政於銓曹雖超擢之有期柰挽留之

無計因聲小
曲以侑離觴

蒼梧雲捲望禹貢星分堯天日遠政事龔黃兵機頗牧
天把君侯推選人怨今朝行速又道當初來晚真箇是
晝棲有雉夜鳴無犬 遷轉接武舊日夔龍平地躋通
顯整頓三綱調和萬象功業宜昭彤管吟罷風生臺閣
朝退香浮禁苑人空上大容層嶺大雲絕巘

風入松 警世

名韉利鎖苦重重沒箇從容人生自古無根蒂大家是
斷梗飛蓬天際悠悠草綠陌頭衮衮塵紅 東風未久
又西風歲月匆匆蒼梧雲影瀟湘雨暗磨盡多少英雄

千古是非一夢澹煙落日秋空

思玄集卷之十六終

思玄集 卷十六

思玄集後序

粵西柳融青城野史李祝協詔甫撰
思玄桑先生三吳人挾翳詞源蒐竒理窟
名在公卿間籍甚家素貧亡所蓄書從肆
中得過目輒棄去以孟軻自况原遷以下
弗論也矯亢偃蹇一時權貴雖氣焰熏炙
視之蔑如嘗俸余柳飭紀宣和剔蠹潤媿
種々澌澤滲漉人臆迄今永歲猶思慕之

不忘與余大父自山公友善嘗為撰高大
父方伯公誌銘洎曾祖妣陳夫人節壽堂
記哀然傳家之珍也其所著全集余鄉先
達計羅池公已序而刻之今清流侯守白
先生從子也以歲久漫漶欲翻刻以傳屬
余序諸晉簡余惟作者之林擣薺繪藻非
不蔚然盛矣顧著述稱雄而於穀詩或詘
以近體較勝乃古體弱焉尺有所短寸有

所長其不能相兼類如此乃先生則學有
本原囊括蒼黃規度姚姒於性命道德真
有得其大者故著為詩文如瓊林武庫隨
取隨足吁美哉信可傳已雖然昔蔡中郎
以論著高一代曾不再世而遺逸過半非
以傳盛者之缺故耶今清流君於是集也
珍藏彙輯慮散失復以壽諸梓人且文章
政事炳炳烺烺克濟其美以先生而視中

即其幸與不
相徑庭邪余與先生有
世講之誼今清流君又同事於汀其致以
不文辭因併識之以表桑氏之盛云
萬曆二年歲舍甲戌仲穉吉旦

青
城

青
城

青
城

青
城

卷之四